

Պատասխանի ետ Մարտիրոս և ասէ, այսուհետեւ չիք հնար խաղաղութեան՝ զի բան մեր առ մեծամեծս անկաւ, եւ եթէ ոչ կանխեցից խնդրել զիրաւունս՝ դատապարտ առնեն զիս։ Իսկ երեմիա ասէ ցնա՝ և ոչ մի ինչ փոյթ է մեծամեծաց դրան վասն մեր և վասն քո, զի չեն նոքա անկեալ զհետ մեր, մեք եմք՝ որք յորդորեմք զնոսա, թէ առէք զինչս մեր։ Մատոյց ապա երեմիա զթուղթ Ապրոյի առ Մարտիրոս՝ յորում գրեալ էր․ « Ծուներ դնելով համարոյր մատուցանեմ ամոյ վարդապետիդ նուաստ ծառայ քո Ապրո՝ և աղերսանօք աղաչեմ, զի յայսմ գիշերի հաճեսցիս օթել 'ի յարկս մեր, խօսիլ ինչ առանձին ընդ մեծութեանդ՝ ողջ լեր »։ Իսկ Մարտիրոս ոչ էառ յանձն երթալ, այլ առաքեաց 'ի տեղի իւր զԽոսրով, իմանալ զմիտս Ապրոյի՝ թէ զի՞նչ կամիցի։ Եւ Ապրո յորդորեալ զԽոսրով ասէ, բաւական է՝ որ ինչ եղեն ցարդ՝ անցեալն էանց, դադարեցարուք այսուհետեւ, և լերուք զհետ խաղաղութեան։ զի՞ անդեալ էք թափել զձեզ յընչից և աղքատահալ, և յայտ արար եւս թէ՞ կատարած այսր ոչ բարեոք ունի վճարիլ։ Իսկ Խոսրով այնպէս եցոյց զանձն՝ որպէս թէ չիցէ 'ի կողմն Մարտիրոսի, և զայլ և այլ պատասխանիս արարեալ մեկնեցաւ անտի։

Այլ Մարտիրոս վարդապետ 'ի նմին իսկ աւուր բողոքեալ 'ի Գուռն եպարքոսի՝ ետ հանել զեղիազար յատեան, եւ մատոյց 'ի մէջ զգիր ամբաստանութեան նորա։ Բայց եպարքոսն որ էր 'ի կողմն Ապրոյի՝ փութով վճարեաց բզդատաստանն․ տուեալ է ասէ յԱրքունուստ եղիազարու հրաման խնամակալութեան երուսաղէմի, և չէ հնար յետս կոչել, զայս ասացեալ մերթեաց յիւրմէ սաստիւ զՄարտիրոս, և 'ի դառնալ նորա 'ի տեղի իւր՝ մեղադիր լինէին նմա բազումք, մինչեւ ցերթ ասեն այդ՝ եւ յորդորէին զնա մի՛ եւս անդիլ զհետ։

Բայց ոմանք յԱրեւելեաց քաջալերեալ զՄարտիրոս, սկսան նոր խորհուրդ խորհիլ ընդ նմա, եւ ասեն․ Աստուածատուր Պատրիարք երուսաղէմի ծերացեալ է եւ չէ ինչ փոյթ նմա զիշխանութենէ իւրմէ։ Եկ զքեզ կացուցուք 'ի տեղի նորա Պատրիարք, և յայնժամ կարասցես իսպառ նուաճել զեղիազար։ Ի հաւանիլ նորա ընդ